



Opis programa i kriteriji za odabir polaznika

AWAKEN THE GIANT WITHIN

ITHub Zavidovići | februar–maj 2026.

O programu

Program AWAKEN THE GIANT WITHIN je intenzivni praktični program iz oblasti programiranja i razvoja softvera, namijenjen učenicima koji žele steći konkretna znanja i iskustvo kroz rad na realnim projektima. Broj učenika je ograničen na pet. Program traje tri mjeseca (februar–maj 2026), i održava se subotom od 8:00 do 12:00 sati u prostorijama ITHub Zavidovići (ili nedjeljom u istom terminu ukoliko mentor iz opravdanih razloga ne može subotom). Učesnici će raditi na realnom projektu pod mentorstvom profesionalnog developera, koristeći najnovije AI alate.

Ovo NIJE klasični kurs programiranja. Tražimo polaznike koji su spremni samostalno raditi na svojim zadacima, uz mogućnost timskog rada kada se za to ukaže prirodna prilika, i koji mogu **KATEGORIČKI GARANTOVATI POSVEĆENOST do kraja programa.**

Cilj programa

Cilj edukacije jeste da se u Zavidovićima pokuša formirati IT struktura i pronađe dovoljna kritična masa mladih zainteresovanih osoba koje žele postati programeri. Ključni uslov je spremnost da se kandidati zadrže u Zavidovićima kao stalnom mjestu rada i boravka.

Ne tražimo ljude koji će iskoristiti edukaciju i otići. Tražimo ljude koji žele graditi nešto ovdje, u svom gradu.

Šta je besplatno, a šta nije

BESPLATNO (obezbjeđuje ITHub Zavidovići):

- Sama edukacija i mentorstvo
- Prostor za rad
- Laptopi i monitori (dostupni samo u prostorijama HUB-a)

NAPOMENA: Polaznici moraju imati obezbijeđen vlastiti računar kod kuće kako bi nastavili rad van termina edukacije.

- Grijanje i ostale materijalno tehničke stvari
- Interaktivna tabla i dodatna oprema

NIJE BESPLATNO (obaveza kandidata):

- Claude Pro nalog (20 dolara mjesečno × 3 mjeseca = 60 dolara ukupno)

NAPOMENA O MENTORSTVU: Mentor radi besplatno, ali to ne znači da radi džaba. Mentor ulaže svoje vrijeme i znanje jer vjeruje u cilj programa i želi doprinijeti razvoju IT zajednice u Zavidovićima.

Tehnologije koje koristimo

Program je baziran na klasičnim SaaS tehnologijama za web razvoj:

- HTML, CSS, JavaScript (frontend osnove)
- PHP i Laravel framework (backend)
- SQL (baze podataka)
- Claude Code (AI asistent za programiranje)

Koga tražimo

Ciljna grupa:

- Učenici III i IV razreda srednje škole (Tehnička škola ili Gimnazija Zavidovići)
- Već pokazuju interes za programiranje ili tehnologiju
- Osnovno predznanje je poželjno, ali nije presudno
- **Spremni ostati u Zavidovićima i graditi karijeru**

Napomena o školi i ocjenama

Edukacija ne smije ni na koji način negativno utjecati na uspjeh u školi. Škola ostaje prioritet.

Međutim, praksa je pokazala da tip polaznika kakve tražimo često nema vrhunske rezultate u školi. Odlikaši nisu automatski bolji kandidati. Školski uspjeh jeste bitan, ali nije presudan faktor. Više nas zanima karakter, posvećenost i spremnost da se nešto završi nego prosjek ocjena.

Ključne karakteristike (po prioritetu)

Karakteristika	Važnost	Objašnjenje
POUZDANOST	★★★★★	Najvažnije. Ne smije odustati. Završava što započne.
INICIJATIVA	★★★★★	Dolazi sa konkretnom idejom. Ne čeka da mu se kaže šta da radi.
OSTANAK U ZDK	★★★★★	Želi ostati u Zavidovićima i graditi karijeru ovdje.
FOKUS	★★★★★	Subota od 8 do 12 (ili nedjelja ako treba) bez izgovora.
SLOBODNO VRIJEME	★★★★☆	Nema previše obaveza koje bi ga odvukle.
TIMSKI RAD	★★★☆☆	Poželjno, ali može raditi i samostalne cjeline.
TEHNIČKO ZNANJE	★★☆☆☆	Nije presudno. AI alati su "equalizer".

Očekujemo konkretnu ideju

Kandidat mora doći sa konkretnom idejom šta bi radio/radila. Ne tražimo da nas impresioniraju velikom vizijom, ali očekujemo da imaju nešto konkretno što ih zanima i što bi htjeli razvijati. Cilj je da kandidat preuzme inicijativu i razvija svoju ideju, a ne da ga mentor mora voditi za ruku i konstantno povlačiti.

VAŽNO: Kandidati trenutno nemaju ni tehničkog znanja ni finansija da svoju ideju samostalno sprovedu. To je normalno i očekivano. Ako pokažu dovoljno posvećenosti i ispravan karakter, to su problemi koji su apsolutno rješivi kroz program.

Kako prepoznati dobrog kandidata

Dobar kandidat je učenik koji:

- ✓ **Kada nešto započne, završi.** Nije tip koji odustane na pola puta.
- ✓ **Ima konkretnu ideju.** Zna šta ga zanima i šta bi htio napraviti.
- ✓ **Želi ostati u Zavidovićima.** Vidi svoju budućnost ovdje, ne planira otići čim nauči.
- ✓ **Nije preopterećen obavezama.** Nema 5 dodatnih kurseva, posao i 10 vannastavnih aktivnosti.
- ✓ **Može se obavezati na termin.** Subota od 8 do 12 mu neće biti problem 3 mjeseca.
- ✓ **Fleksibilan za pomjeranje termina.** Ako mentor iz opravdanih razloga ne može u subotu, dolazi nedjeljom od 8 do 12 sati.
- ✓ **Tiši, povučeni tip.** Ne mora biti u centru pažnje, radi svoj posao bez drame.
- ✓ **Praktičan.** Radije rješava probleme nego priča o njima.
- ✓ **Spreman slijediti upute.** Prihvata da je mentor tu da vodi, ne da se nadmeće.

Koga NE tražimo (crvene zastave)

Loš kandidat je učenik koji:

- ✗ **Nemaju nikakvu ideju šta bi radili.** Očekuju da im mentor kaže šta da rade.
- ✗ **Planiraju trajno otići iz Zavidovića.** Hoće iskoristiti edukaciju pa se preseliti u veći grad ili vani. (Napomena: odlazak na fakultet i studije nije problem, misli se na trajno preseljenje.)
- ✗ **Započinju mnogo stvari, ne završavaju nijednu.** Entuzijazam bez istrajnosti.
- ✗ **Očekuju da im se sve servira.** "Hoću naučiti programirati" bez vlastitog angažmana.
- ✗ **Vole debatovati umjesto raditi.** Svaku stvar moraju preispitati i diskutovati.
- ✗ **Nestrpljivi su i hoće brze rezultate.** Kad postane teško, gube interes.
- ✗ **Haotični i nepredvidivi.** Spontani tipovi koji se ne drže plana.

Obavezni zahtjevi za učešće

OBAVEZNO: Kandidati su dužni samostalno obezbijediti plaćenu verziju Claude AI (minimalno Pro plan od 20 dolara mjesečno) za sva 3 mjeseca trajanja programa. Ovo je jedini trošak koji kandidat snosi i neophodan je alat za rad.

NAPOMENA: Nisu dozvoljene ilegalne verzije, kombinacije više AI alata po "smiješnim cijenama" ili bilo kakva nelegitimna rješenja. Isključivo legalni Claude Pro/Team nalog direktno od Anthropic-a.

Zašto ITHub ne obezbjeđuje Claude Code

ITHub ciljano ne obezbjeđuje Claude Code naloge polaznicima. Razlozi su sljedeći:

- 1. Lekcija o vrijednosti alata.** Iluzija da je programiranje besplatno je lažna. Znanje jeste besplatno, ali profesionalni alati nisu. Želimo da polaznici od samog početka nauče cijeniti vrijednost alata i truda potrebnog da se napravi jedno softversko rješenje.
- 2. Garant posvećenosti.** S obzirom da se radi o srednjoškolcima, ovaj trošak će vjerovatno finansirati roditelji ili staratelji, a ne sami polaznici. To je namjerno. Polaznik mora uvjeriti svoje roditelje da će se ozbiljno prihvatiti zadataka. To je prvi test njihove posvećenosti.
- 3. Prvi dokaz ozbiljnosti.** Kandidat mora inicirati razgovor sa roditeljima, objasniti im program, i uvjeriti ih da im kreditnom karticom plate i pokrenu Claude Code nalog. Ako kandidat ne može ili ne želi to uraditi, vjerovatno nije spreman za ono što slijedi.

Ukratko: Ako polaznik ne može uvjeriti roditelje da mu plate 20 dolara mjesečno za alat, kako će nas uvjeriti da je spreman raditi na ozbiljnom projektu 3 mjeseca?

Ukratko

Tražimo pouzdanog, fokusiranog učenika koji ima konkretnu ideju šta bi razvijao, koji želi ostati u Zavidovićima i graditi nešto ovdje. Ne tražimo nekoga ko čeka da mu se kaže šta da radi ili ko planira otići čim završi.

Šta kandidat dobija

- Rad na realnom projektu (ne školske vježbe)
- Mentorstvo od profesionalnog developera sa industrijskim iskustvom
- AI first pristup sa Claude Code (prednost nad tradicionalnim programerima)
- Vrhunska oprema (računari, veliki monitor, interaktivna tabla)
- Potencijal za dugoročnu saradnju i uključenje u buduće projekte za one koji se dokažu
- Referenca i preporuka za dalje
- **Mogućnost da budu dio prve IT strukture u Zavidovićima**

Proces prijave

1. Popunjavanje aplikacijske forme
2. Kratka probna edukacija (~1h) | upoznavanje sa programom
3. Test ličnosti (16Personalities) | radi se pred mentorom
4. Individualni razgovor sa mentorom
5. Odabir 5 kandidata

Kontakt i prijava

Aplikacije se podnose direktno koordinatorici IT Hub-a, koja ih dalje prosljeđuje mentoru:

Koordinatorica: Elvira Joldić

Viber: 062 883 250

Lokacija: ITHub Zavidovići

Početak programa: 14. februar 2026.god.

Rok za prijave: početak februara 2026.god.

NAPOMENA: Program je predviđen za 5 polaznika. Mentor zadržava mogućnost da odabere i 6. kandidata, ali nije obavezan. To će se desiti samo ukoliko se pojavi više kandidata sa izrazito velikim potencijalom i mentor mora birati između više dobrih opcija.

• • •

ITHub Zavidovići | AWAKEN THE GIANT WITHIN | vol.2